



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres

Tylkowski, Wojciech

Oliva, 1686

Tempore Nundinarum.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

bium à nubibus dicitur, jam & uxor volat. Theſaurus uxoris vir, viri uxor, ad hoc annulos ſumitis quibus vos obſignecis, annulus datus eſt filio prodigo & ſtatim ex indigno factus eſt dignus. Hic Amor non debet habere finem ſicut neque annulus habet: Jam uxor eſt viri corpus, jam dolori ſi accidet, idem ſenſus: jam pars una iuvat alteram: accipiat vulnus pars una cùm quanta lenitate applicat emplaſtrum alia? In Chriſto unum eſt & Divinitas & Anima. *Et erunt duo in carne una*, duæ animæ, eſſi una caro, tamen ſumma in Chriſto conſenſio Divinitatis cum anima, licet utraque ſuam liberam habeat voluntatem ſumma tamen eſt concordia, neque natura dignior impropereat viliori, neque vilior in formidine cohabitac.

Supereſt ut vobis dem Benedictionem, do illam ipſam quam dat Eccleſia &c.

Tempore Nundinarum.

DUM homines ſuas nundinas exercent, etiam Dæmones, & DEUS ſuas, ſed dæmon adhibet merces quæ patent ſenſibus noſtris, id eſt voluptates viſus, auditus &c. DEUS illas quæ intellectu ſolum conſpici poſſunt, cælum, gratiam, virtutem. Uterque non aliam requirit pro mercibus ſuis pecuniam quàm noſtram animam.

Dum voluptates ſenſuum prohibitas à dæmone emimus, animam noſtram illi in ſervitutem tradimus, nec enim illam ſi emerit, tractare aliter novit quàm mancipium, ut ſi Barbari capiant filiam Principis, illa vult ſpeculum, jubetur accipere ſcopas ut verrat ſtabulum: vult in lecto quieſcere, jubetur in nuda humo: vult cibos exquisitos, jubetur ſcapulas nudare ad plagas &c. Aug. prop. 42. in epiſt. ad Romanos

in illa verba. Ego carnalis homo venundatus sum sub peccato ita ait, *Quod intelligitur perinde quasi unusquisque peccando animam diabolo vendat, accepto tanquam pretio ipsa voluptas dulc. dine.* Sic animam suam vendidit Acham pro auro quod tulit de anathemate Jericho. &c. Jam ergo non remanet homo juris sui. Si Barbaro te vendetes, solum corporis tui esses Dominus, dæmon autem animæ, & si putes te esse liberum. Vide annon sit servus cui dæmon suos præsidēs imponit? An liber est ille cui mulier imperat, à quo si aliquid poscat, dandum est illi, si vocat veniendum, si ejicit abeundum; si minetur extimescendum? Ita jubet libido, fac, tacit &c. Illi sunt vicarii quos dæmon emptæ à se imponit animæ. Sed nulla servitus turpior quàm illa in quam se quis sponte vendit cum esset liber, quid si insuper pessimo te vendat Dominò qualis est dæmon? qui domum vendit cogitur ex illa exire, quid qui seipsum? Exulet inde recta ratio &c. Poterant per leges, ut scribit Hali lib. 2. antiquit. Roman. filios vendere: poterant Atheniensis ut Plutarch. in Solone, his sustulit hanc legem Solon. Constantinus Romanus prohibuit vendere in perpetuam servitutem. Quod tandem in totum abrogatum est. Et nos vendemus nos ipsos? Christus eos qui vendebant columbas in templo ejicit, quid faciet de iis qui vendunt animas? Maximè cum hæc venditio animæ toties confirmetur quoties peccatur. Avidè huic emptioni dæmon inhiat, quia tanti unam æstimat animam ut pro illa daret omnia regna mundi, ut patet in Christo, cui offerebat si ille peccaret, & nos eam pro una voluptate, & quidem cujus nos pudet, vendimus? Planè agimus ut Judas. *Quid vultis mihi dare ut eum vobis tradam?* Arbitrio emptoris pretium comittimus, DEUS ita animam æstimat, ut dixerit. *Quid prodest homini si universum mundum lucratur &*

ANIMAM

animam suam perdidit? Lyra in Matth. 16. *Anima rationalis imagine Trinitatis insignita pretiosior est omnibus terrenis. Vita nostra est nobis tanti ut Chrylost. in 16. Matth. apud Lyran. dicat. Etsi decem millia diademata corpori insanabiliter aegroto circumposueris, non curat: sed & si decem millia diademata corpori offeras & circumponas hanc conditione ut lethaliter vulneretur, nullus homo ea curat.* Hæc omnino sunt vera, ita amamus vitam. Anima verò est hujus vitæ principium, cur illam vilissimo pretio in mortem æternam vendimus? Christus pro hac margarita omnia sua dedit. Si tibi dæmon daret pro anima omnia regna mundi, adhuc parvo illam venderes. Job. 2. ait dæmon. *cuncta dabit homo pro anima sua ita ille judicat & facimus hæc pro vita temporalis, cur non pro æterna?* Proverb. 26. *Pretium scorti vix est unius panis.* Idem de aliis peccatis, quia delectatio tam brevis atque dum panis per guttur transit & finis utriusque idem. Avaritiæ voluptas tota est in solis oculis, aut in memoria quia cogitat se habere. Honores toti in eo quia te alii vident, uno verbo Isai 52. *Gratus venundati estis & Ps. 45. Vendidisti populum absque pretio.*

Vendamus potius Christo. *Apud Dominum copiosa redemptio:* Solus potest dare pretium quod animæ nostræ æqualeat & superet. Se ipsum dabit, cujus imago tam pretiosam facit animam, dabit ut per illum vivamus, eadem felicitate cum illo fruamur. DEUS se dat pro tua anima tibi, quem quia vident Angeli beati sunt, DEUS cujus opes nulla explicare lingua potest. Christus dat se tibi ut serviat tibi. *Transiens ministrabit ipsis.* Dominus mancipio. DEUS qui dæmonem cruciat in æternum & voluntate solâ potest in nihilum redigere, & modò agit ante se in triumpho. Abac. *Egreditur diabolus ante pedes ejus.* Ubi tunc erit precium pro quo te emebat dæmon? *Viri dvitiarum dormierunt somnum suum & nihil invenerunt in manibus suis.* Videbis eos qui se dæmoni

venderunt factos veluti locustas. Apoc. 9. *De fumo putei exierunt locustae. Facies earum quasi facies hominum, videntur homines sed sunt bestiae. Habebant capillos sicut capillos mulierum. Ecce luxuriosi, capilli sunt cogitationes juxta Aug. Greg. Haec de mulieribus. Dentes eorum dentes leonum, Ecce rapaces. Vox aliarum earum sicut vox currum, equorum multorum currentium in bellum, ecce iracundi. Habebant caudas similes scorpionum, ecce adultores. Habebant supra se regem, Angelum abyssus cui nomen exterminans. Ecce emptor illorum. Quo fructu empti? exterminati ut sint extra terminos omnis boni, o quae lamentatio illorum? O quoties, Ergo erravimus? Nazianz. *Aetate vita dies est mercatura magna. O miseri venditores? Si tibi DEUS daret pro te aliquod regnum, dares te ipsi forsitan, nunc dat se pro te: ita ut eo vivas. Aug. in Pl. 70. conc. 2. Sicut vita corporis est anima, sic vita anime DEUS. Ex eo fit quod quidem minus est, sed tamen magnum, quod Chrysol. hom. 56. in Genes. Adveniens Christus eam virtutem in hominibus plantavit ut ex hominibus Angelos faceret.**

In die Coenae Domini ad Homicidas.

QUO titulo vos compellabo? dicam Filios prodigos, sed ille propriam substantiam, vos alienum sanguinem & vitam prodigastis. Dicam oves Christi errabundas, vos lupi discerpsistis oves Christi, dicam rebelles DEO qui illius imaginem concerpistis, ad imaginem quippe DEI factus est homo, quod si illi regulae insistam. *Non dimittitur peccatum nisi restituatur ablatum*, vos nunquam ad vitam revocabitis eos, quos occidistis, quibus vitam abstulistis. Caelum nobis sub imagine scalae Jacob DEUS proposuit, volentis ascendere ex illa vos deturbabunt quos interemistis, & clamabunt, tu

mc.